

阿Sa透露於《祥賭必贏》飾演病態賭徒，與不愛賭博的阿聰一見鍾情後閃婚，所以要隱藏賭癮：「收到劇本覺得正，我本身唔鍾意賭錢，但會打麻雀。我唔熟玩啤牌，所以要苦練。」又指跟一班演員有共同朋友，故打算包場請朋友睇戲。她透露Twins完成世界巡唱後，患上「煞科症候群」，完騷後便病倒：「啱啱新年要出席好多派對同生日會，連聲都沙埋，依家咳得出痰，把

聲已好番好多。」提到有網民指阿嬌於巡唱時身材發福，阿Sa力撐好姊妹說：「開心健康就得，但依家健康開心。（有網民話阿嬌跳舞好Hea。）劫啫！」問到阿嬌感情生活如何？阿Sa說：「咁大個人啦！（你感情生活呢？）自己有分數。」

阿聰表示拍《祥》片結局很開心，後期更有點「暴走」：「呢部片係只此一家嘅破格電影，農曆新年會約埋阿Sa一齊謝票。」對於另外有兩部賀歲片上映，問到可有票房壓力？阿聰坦言最好一齊票房大賣，希望來個Crossover謝票，最理想是與所屬公司老闆古天樂的新片《臨時決鬥》一齊謝票。

飾演中韓混血兒的朱康笑言從小到大都被指似日本人、韓國人，甚


至蒙古人，但就不似香港人。問到似韓國人可會增加桃花運？他坦言想，因自己單身了六七年。問到可會考慮追求剛和百億富二代男友馬桂烽分手的吳家忻？朱康笑言：「可以呀！」而吳家忻表示現時心情OK，朱康即搞笑稱：「可以同佢談戀愛，同佢一拍即合。」

提到吳家忻在社交網分享躲在柏底食提子的片段，她解釋是西班牙傳統，於晚上12時正躲在柏底食12粒提子，以及着不同顏色的內褲就可以夢想成真：「我着咗黃色內褲，求事業同金錢。」問到為何不求姻緣？朱康搶答：「佢已經求到我啦！」吳家忻讚朱康穩重、風趣、搞笑及識演戲，記者笑指兩人年齡差距甚遠，朱康說：「咩世紀呀？成年就得啦！」

■朱康搞笑稱想追求吳家忻。



■阿Sa讚張繼聰是搞「聊嘢」的人開心。



預告包場請朋友睇《祥賭必贏》

阿嬌打回「圓」形 阿Sa撐開心就得



■邱士縉被粉絲包圍。

蔡卓妍（阿Sa）、張繼聰、MIRROR成員邱士縉（Stanley）、吳家忻與朱栢康（朱康）等，前晚出席賀歲片《祥賭必贏》宣傳活動。提到好姊妹鍾欣潼（阿嬌）早前於巡唱被拍得身形又發福，阿Sa即力撐阿嬌現時開心又健康。



■穿粉紅色露肩裙的翠如容光煥發。



翠如讚老公體貼 做家务零怨言

黃翠如昨日挺孕肚到荷里活廣場出席活動，她笑言全身只有肩膀最瘦，問到上圍升Cup多少？她說：「我冇度，我只係度過肚圍，依家已過咗90cm，好開心。我好鍾意對住塊鏡揭起件衫欣賞個肚，覺得好圓好搞笑。」

翠如透露現時偶然會抽筋，老公蕭正楠會為她按摩，大讚老公體貼入微：「佢好好，因為我哋有工人姐姐，佢要出去做嘢，又要做晒所有家務同煮嘢畀我食，從來冇呻辛苦。有日我去超市，佢返屋企砌床，砌到隻手損晒，佢同我講『我今日真係太辛苦，可唔可以讚吓我』，我話『你真係好叻，不如下次搵個師傅，我哋一齊行超市』。」問到現時懷孕周數及預產期？翠如不肯透露，因長輩教她少講為妙，免給BB壓力。再問選擇開刀還是自然分娩？她說：「醫生話BB個頭偏大，有機會開刀。」她又稱未必搵人拍大肚寫真，可能自己與老公蕭正楠操刀。



■賴慰玲罕有性感。

賴慰玲自費影寫真求安心

無綫熱播劇《奔跑吧！勇敢的女人們》之前閃現賴慰玲（阿賴）弗到漏的運動Look廣告海報，由於當時相關海報只以布景形式出現兼曇花一現，未有引起太大回響。事後阿賴在個人社交網分享照片，更「同場加映」從未曝光的「海棠春睡」靚相，還透露自己出錢請攝影團隊拍攝，旋即吸引網民洗版式讚索！據劇組透露，阿賴之所以找攝影班底拍攝，全因她少有性感，為了百分百安心拍有效果的照片，她才自費請攝影團隊，非常專業。

MC最憎放病假

張天賦（MC）原定上周在澳門舉行最後一場演唱會，但不慎被傳染流感，被迫延期。他回港看醫生及數天休息，笑言終於有假期，不過是最不喜歡的病假。最近他化身信用卡紅日假期主持，向大家預報2025年的紅日假期，並教大家假期精明消費。今次抱恙，MC坦言有所領悟：「要學識好好照顧自己身體，希望歌迷朋友都係。以後每一次放假，我都希望自己健健康康去玩啲種放假，我仲有好多地方未去過，但當務之急係快啲好番，返澳門再見大家。」



■MC認為沒有任何事比健康更重要。